

礼佛大忏悔文

大慈大悲愍众生，大喜大舍济含识；相好光明以自严，众等至心归命礼。（一拜）南无皈依金刚上师。（一拜）皈依佛，皈依法，皈依僧。（一拜）我今发心：不为自求人天福报、声闻、缘觉，乃至权乘诸位菩萨；唯依最上乘，发菩提心，愿与法界众生，一时同得阿耨多罗三藐三菩提。（一拜）南无皈依十方尽虚空界一切诸佛。（一拜）南无皈依十方尽虚空界一切尊法。（一拜）南无皈依十方尽虚空界一切贤圣僧。（一拜）南无如来、应供、正徧知、明行足、善逝、世间解、无上士、调御丈夫、天人师、佛、世尊。（一拜）（以下一佛一拜）

- | | | | |
|---------------|-------------|-------------|----------------|
| 1 南无普光佛 | 2 南无虚空宝华光佛 | 3 南无大慧力王佛 | 4 南无娑留那佛 |
| 南无普明佛 | 南无琉璃庄严王佛 | 南无阿闍毗·欢喜光佛 | 南无水天佛 |
| 南无普净佛 | 南无普现色身光佛 | 南无无量音声王佛 | 南无坚德佛 |
| 南无多摩罗跋栴檀香佛 | 南无不动智光佛 | 南无才光佛 | 南无栴檀功德佛 |
| 南无栴檀光佛 | 南无降伏众魔王佛 | 南无金海光佛 | 南无无量掬光佛 |
| 南无摩尼幢佛 | 南无才光明佛 | 南无山海慧·自在通王佛 | 南无光德佛 |
| 南无欢喜藏·摩尼宝积佛 | 南无智慧胜佛 | 南无大通光佛 | 南无无忧德佛 |
| 南无一切世间乐见上大精进佛 | 南无弥勒仙光佛 | 南无一切法·常满王佛 | 南无那罗延佛 |
| 南无摩尼幢·灯光佛 | 南无善寂月音妙尊智王佛 | 南无释迦牟尼佛 | 南无功德华佛 |
| 南无慧炬照佛 | 南无世净光佛 | 南无金刚不坏佛 | 南无莲华光·游戏神通佛 |
| 南无海德光明佛 | 南无龙种上尊王佛 | 南无宝光佛 | 南无财功德佛 |
| 南无金刚牢强普散金光佛 | 南无日月光佛 | 南无龙尊王佛 | 南无德念佛 |
| 南无大强精进勇猛佛 | 南无日月珠光佛 | 南无精进军佛 | 南无善名称·功德佛 |
| 南无大悲光佛 | 南无慧幢胜王佛 | 南无精进喜佛 | 南无红焰帝幢王佛 |
| 南无慈力王佛 | 南无师子吼·自在力王佛 | 南无宝火佛 | 南无善游步·功德佛 |
| 南无慈藏佛 | 南无妙音胜佛 | 南无宝月光佛 | 南无斗战胜佛 |
| 南无栴檀窟·庄严胜佛 | 南无常光幢佛 | 南无现无愚佛 | 南无善游步佛 |
| 南无贤善首佛 | 南无观世灯佛 | 南无宝月佛 | 南无周匝庄严功德佛 |
| 南无善意佛 | 南无慧威灯王佛 | 南无无垢佛 | 南无宝华游步佛 |
| 南无广庄严王佛 | 南无法胜王佛 | 南无离垢佛 | 南无宝莲华·善住·娑罗树王佛 |
| 南无金华光佛 | 南无须弥光佛 | 南无勇施佛 | 南无法界藏身阿弥陀佛 |
| 南无宝盖照空自在力王佛 | 南无须曼那华光佛 | 南无清净佛 | （以上八十九位佛，八十九拜） |
| | 南无优昙钵罗华殊胜王佛 | 南无清净施佛 | |

如是等一切世界，诸佛世尊，常住在世。是诸世尊，当慈念我：若我此生、若我前生，从无始生死以来，所作众罪，若自作、若教他作、见作随喜；若塔、若僧、若四方僧物，若自取、若教他取、见取随喜；五无间罪，若自作、若教他作、见作随喜；十不善道，若自作、若教他作、见作随喜……所作罪障，或有覆藏、或不覆藏，应堕地狱、饿鬼、畜生，诸余恶趣、边地下贱，及蔑戾车，如是等处。所作罪障，今皆忏悔。（一拜）

今诸佛世尊，当证知我、当忆念我。我复于诸佛世尊前，作如是言：若我此生、若我余生，曾行布施、或守净戒，乃至施与畜生，一抔之食；或修净行，所有善根；成就众生，所有善根；修行菩提，所有善根；及无上智，所有善根。一切合集，校计筹量，皆悉回向阿耨多罗三藐三菩提。如过去、未来、现在诸佛，所作回向，我亦如是回向。众罪皆忏悔，诸福尽随喜；及请佛功德，愿成无上智。去、来、现在佛，于众生最胜。无量功德海，我今皈命礼。（一拜）

所有十方世界中，三世一切人师子。我以清净身语意，一切徧礼尽无余。普贤行愿威神力，普现一切如来前。一身复现刹尘身，一一徧礼刹尘佛。（一拜）于一尘中尘数佛，各处菩萨众会中。无尽法界尘亦然，深信诸佛皆充满。各以一切音声海，普出无尽妙言辞。尽于未来一切劫，赞佛甚深功德海。（一拜）以诸最胜妙华鬘，伎乐涂香及伞盖。如是最胜庄严具，我以供养诸如来。最胜衣服最胜香，末香烧香与灯烛。一一皆如妙高聚，我悉供养诸如来。我以广大胜解心，深信一切三世佛。悉以普贤行愿力，徧供供养诸如来。（一拜）我昔所造诸恶业，皆由无始贪瞋痴。从身语意之所生，一切我今皆忏悔。（一拜）十方一切诸众生，二乘有学及无学。一切如来与菩萨，所有功德皆随喜。（一拜）十方所有世间灯，最初成就菩提者。我今一切皆劝请，转于无上妙法轮。（一拜）诸佛若欲示涅槃，我悉至诚而劝请。唯愿久住刹尘劫，利乐一切诸众生。（一拜）所有礼赞供养福，请佛住世转法轮。随喜忏悔诸善根，回向众生及佛道。（一拜）愿将以此胜功德，回向无上真法界。性相佛法及僧伽，二谛融通三昧印。如是无量功德海，我今皆悉尽回向。所有众生身口意，见惑弹谤我法等。如是一切诸业障，悉皆消灭尽无余。念念智周于法界，广度众生皆不退。乃至虚空世界尽，众生及业烦恼尽。如是四法广无边，愿今回向亦如是。（一拜）南无大行普贤菩萨。（三称毕起立）